

10220.179  
34  
1921

元和縣志



元和縣志卷之二十九

二氏

二氏之徒儒者不道然其間固有嫻習文雅欲  
逃於儒又迹著荒幻而不乖於正者亦非君子  
所必斥也或產於吳或自四方而至地屬元和  
縣者皆得列焉志二氏

晉

竺道生鉅鹿人姓魏氏初入廬山幽棲七年後遊長  
安從什公受業關中僧衆咸謂神悟獨文字之師

元和縣志

卷二十九 二氏

一

以生為邪擯之遂來虎邱聚石為徒講涅槃經至  
闡提有佛性處曰如吾所說契佛心否羣石皆首  
肯之今虎邱有點頭石

聞道一晦處隱智人莫能知王珣兄弟深加敬事受  
知簡文帝後隱虎邱顏魯公詩登壇仰生一謂道  
生道一也

梁

餽餽尊者天監中住寶華山智顯禪院有卓錫峰又  
住虎邱泉隨湧出名餽餽泉今名慈慈泉



慧響姓懷氏吳興人天監中居虎邱不得甘泉乃俯地側聽得泉名虎跑泉

隋

智琰字明璨姓朱氏梁散騎侍郎獻之孫幼事通元璩法師授典過目成誦嘗遊都下與道安禪師齊名陳亡歸虎邱面蠟壑者三十年楊素蘇威皆嘗駐節山中接其緒論煬帝鎮淮揚具幣招致琰恐累使者爲之勉起及見辭疾歸旣寂埋虎邱東寺智聚住虎邱東寺至德二年奉勅太極殿進講金光

元和縣志

卷二十九 二氏

二

明經天子嘉禮歸卧舊山開皇問璽書勞問寂後窆山之南

唐

瑗字辨空常披一衲不計寒饑勤行精進嘗撰武邱名僧苑一卷注郁子兩卷文集三卷

清順尊者魏庠守郡奏改虎邱律寺爲禪迦尊者至寺爲開山祖後有圓悟禪師說法張魏公浚嘗有祭禪師文稱其法明正因超卓奇特真古佛語嗣紹隆得臨濟心妙大擔東山住虎邱二年死葬山

後

遇賢姓林氏長洲人狀貌怪口容雙拳母初孕夢  
吞大珠少溺水泝流復還出家郡城東禪寺嗜酒  
呼爲林酒仙醉則作詩時有天趣又能前知人禍  
福言無不驗有疾病者書符與之立愈郡中有虎  
患遇賢見之騎以出城患遂息一日渡江風濤大  
作舟將覆解袈裟爲帆風浪便息郡守梅珣贈以  
詩曰出入常攜一古藤三衣粗重貌稜稜紅塵酒  
滿何曾醉知是僧中第幾僧明時藤杖與衣猶在

元和縣志

卷二十九 二氏

三

寺中

定欽定慧院僧與蘇長公相善公謫惠州嘗擬寒山  
十頌使其徒卓契順往惠州寄慰安否蘇得詩甚  
嘉之有曰語有璨忍之通而詞無島可之寒爲和  
八首初契順爲其師持書至惠且曰惠州不在天  
上行卽到耳投書徑還公問其所求答曰契順惟  
無所求故來惠州若有求者當走都下矣苦問不  
已乃曰昔蔡明遠鄱陽一校耳顏魯公絕糧江淮  
間遠載米周之魯公憐其意遺以尺書天下至今

知有明遠今契順雖非明遠然區區萬里之勤倘  
可援魯公例得數字乎公遂爲書歸去來辭以遺  
之勒碑於寺

惠銓北禪僧佯狂垢汚而詩絕清婉嘗書西湖一山  
寺壁日落日寒蟬鳴獨歸林下寺柴扉應未掩片  
月隨行履唯聞犬吠聲又入青蘿去蘇子瞻愛而  
和之曰但聞烟外鐘不見烟中寺幽人夜未寢草  
露濕芒屨惟應山頭月夜夜照來去

天紀磧砂寺僧與高安僧元至善至註周伯弼所選  
元和縣志

卷二十九

二氏

四

唐人三體詩方萬里作序吳人謂之磧砂唐詩

元

維則字天如俗姓譚氏永新人得法於本中峯本時  
住天目山之獅子巖至正初維則名其居曰獅子  
林識授受之原也與朱德潤交善特承旨趙子昂  
及行省平章買住屢薦入召問皆稱疾不赴所註  
有楞嚴會解淨土或問語錄別錄若干卷

明

永隆姓施氏尹山寺僧也洪武壬申四方沙彌給牒

京師者三千人悉籍爲軍時方旱禱雨隆因乞焚身以代之至雨花臺望闕再拜取辦香書風調雨順四字語中使曰爲我奏之旣焚雨卽大河上喜曰此真永隆雨也籍軍得免

妙聲字九臯景德寺僧博綜內外典兼善詩文主北禪寺洪武中與西白萬金同被召主天下僧教有東臯錄七卷

良琦字元璞吳郡人自幼讀書學禪白雲山中楊維禎云琦公旣究禪理亦通儒學能詩其餘技也住

元和縣志

卷二十九

二氏

五

天平山之龍門示寂於城東之孤雲庵

雪梅吳僧嘉靖中遊金陵踪跡奇異不拘戒律日湛茗飲間進酒肉寓報恩寺十餘年見法師據高座講經便笑曰亂說亂說偶出一語辨駁聞者汗下工詩文自序其詩以寒山拾得自况專修淨土講四書周易時有新理後住吳之東禪寺竹堂寺僧臘八十餘化

天際來自少林習武藝推第一手嘉靖中住虎邱敕賜金牌勦倭所至有功後欲予以官不受終老靈

巖山嗣玉庵亦傳其法盜至隨手而斃

妙顯長洲姚氏子削髮於積砂寺初不讀書後漸明內典住葑門之化城庵養母盡孝既受儒者業講倫常性命之理曰佛教皆空只獨善一身必聖人之道真實可行也時大吏聞其名召問禍福曰僧所知者為臣盡忠為子盡孝未然之事未敢知亦不必知也予以金不受後仍歸積砂年八十餘垂死謂其徒曰葬我須用儒家禮斷勿火化致既死以後虧體辱親其徒從之

以上釋氏

元和縣志

卷二十七

二民

六

唐

柳條青大中末乞食吳中嘗擊筇踏歌得錢輒飲好事者覓其踪終不可得閏五六年因大雪凍死於市市人具棺瘞於齊門之左每遇日出時塚上有紫氣高五六尺近視之無所見也後一年有處士皇甫顏者來訪之示以塚處皇甫持酒脯祭之發棺得青竹杖無他物表其塚曰谷隱柳處士墓自是不復有紫氣矣

宋

古無極若葑門道室暑中開戶而眠蚊蠅不敢入扁  
其室曰小小蓬居以白垩塗四壁皎然如雪中設  
榻嘗出所攜瓢箪魚鼓等懸之以書一束爲枕自  
釀酒一瓮於牀頭人有求飲搖手弗許猶犬至卽  
俛首疾回無敢窺其內經年不見揮拂一塵不生  
未嘗出募於外而錢不乏疑其挾術逼問之笑而  
不言一夕撤去器物不知何往明日迹之葑婁盤  
間四門人皆見其負籠荷杖出門去矣

元

元和縣志

卷二十九

二氏

七

金善信字實之長洲儒家子好老氏學父母嘗爲執  
婦有子矣後師事莫月鼎傳其術遂擣仁壽觀口  
與徒研覈元旨其言以爲心神至虛無所汨沒諸  
陰消盡諸陽自集蓋有形者陽陽益勝陰氣益調  
精我得清淨去道無難矣薦於朝賜號密道法師  
明

周元真字元初嘉興人年十二辭家入紫虛觀從李  
大無爲道士至正戊子年二十始來蘇住葑門外  
報恩道院元真能以符籙召鶴因名所居曰來鶴



軒洪武戊申李韓公迎元真致雨有應明年庚戌  
上召問鬼神情狀錫宴元祿又明年上召問雷霆  
所以神之故對曰天地之間陰陽運轉故有精神  
與人合者也上悅授領神樂觀事元真嘗修建安  
里橋於通衢繼主常熟致道觀復修丹井死葬莫  
月鼎墓次

裴慶性落魄嗜酒每卧人戶外日無醒時市兒時狎  
侮之不爲意偶至人家飲酒或有老嫗病卽自斷  
衣帶煮湯療之其卧處無雪時大學士夏言聞其  
名往見之慶堅不肯出夏遣人牽出連呼殺人夏  
不之悟也後果不免嗣真人張某朝京師道經吳  
門訪慶邀至舟中以裴仙稱且拜之慶南園人或  
傳盤門人

國朝

呂恣字貞九弱冠工文詞司李倪長圩攝郡篆值校  
士得恣卷竒其才置第一隨補學官弟子員未一  
年遭鼎革毀初服逃于黃冠衲衣草履遍遊菽蓿  
黃巖諸名山晚歲絕烟火日採松花枸杞爲食終

于西山之草廬有詩文集若干卷倪司李爲序而傳之

李樸字天木一字紫中幼與施道淵亮生同學年四十辟穀晝夜不眠與人語隨機開示總期使人了悟善詩亦長畫順治乙未挂瓢於甫里之圓白堂庚戌秋無疾而逝學者益爲冲白先生

唐老者不知何許人也長鬚廣顙年五十餘若歌若哭被髮百結或作椎髻布被鶉衣蟣蝨滿席人與之錢不受饋之粟拜而受之常於冬月危坐長

元和縣志

卷二十九 二氏

九

洲學宮側鳴脚樹下卽以葦席數片栖而息焉煮一瓦鑊不食鹽蔬持一絲漆椀每食必拭數次聞其歌搯秦聲或曰唐藩之弟或曰魯府儀賓李長洲實李侍御模聞來叩之終日笑而不答終莫得其實也一日天大雪坐泮池側鑿冰解衣以浴視其體蓬蓬如釜上氣人疑其仙一夕襍被去不知所之

以上道流

